

# Velkommen til Lye ungdomsskule

Takk for oppmøte i kveld! Det er alltid spennande å ta i mot nye elevar og me gler oss til å bli kjent med dei. Elevane synest nok det er både litt skummelt og litt spennande å starta opp på ungdomsskulen Me skal gjera alt me kan for å møte elevane på ein god måte slik at dei opplever **trivsel, meistring og læring** dei tre åra dei er elev her på ungdomsskulen. Skulen har fokus på eit godt heim og skule samarbeid, og forventar at føresette lagar gode foreldrenettverk då dette er ein suksessfaktor for at elevane skal trivast og ha det godt saman i nye klasser.

## Merk dykk desse viktige datoane framover:

- \* **Torsdag 3. april** : Lye ungdomsskule med avdelingsleiar og elevar frå ungdomsskulen kjem på besøk til 7. trinn på Undheim og Lye skule. Elevane vil få informasjon om valfag, framandspråk/fordjupningsfag/arbeidslivsfag.
- \* **Fredag 11. april** : Frist for å søkja valfag, framandspråk/fordjupningsfag/arbeidslivsfag. Lenka til vala vil bli sendt ut frå barneskulane slik at elevar og føresette kan sitja saman og gjera gode val.
- \* **8. mai**: Lye ungdomsskule inviterer til besøksdag for nytt 8. trinn
- \* **26. mai**: Elevane får opplest klasselistene på skulen av leiinga ved Lye ungdomsskule. Foreldre- og elevmøte for nytt 8. trinn på ettermiddag/kveld kl. **18.00-19.30**

## På besøksdagen:

Elevane frå Lye og Undheim skule besøkjer Lye ungdomsskule **8. mai**. Her vil dei få omvising på skulen, møte dei andre elevane dei skal gå ilag med på trinnet og få div. informasjon. Det vil bli teambuildingsoppgåver og ei lita overrasking. Dei får helsa på avdelingsleiar, sosial pedagogisk ressursperson, sosialrådgjevar og eventuelt andre vaksne.

## Foreldre- og elevmøte:

**Måndag 26. mai** vil elevane i løpet av skulendagen få informasjon om kva klasse dei skal gå i. Leiinga ved Lye ungdomsskule besøkjer skulane og les opp klasselistene for elevane. Om ettermiddagen/kvelden **26. mai, klokka 18.00**, ønskjer me både elevar og føresette velkommen til foreldre- og elevmøte på Lye ungdomsskule. Her vil elevene få treffa den nye kontaktlæraren, sjå klasserommet sitt og samlast i ny klasse for fyrste gong. Føresette vil og få høve til å treffa kontaktlærarane, andre føresette, samt helsa på dei nye klassekameratane til bornet sitt, samt litt nyttig informasjon.

Me møtes ved flaggstonga i skulegarden før foreldre- og elevmøte startar. Her les me opp klasselistene og elevane går til klasseromma sine saman med ein vaksen. Føresette går saman med rektor til auditoriet kor dei blir presentert for dei nye kontaktlærarane på 8. trinn, får

informasjon frå skulen og høve til å stilla spørsmål. Kontaktlærarane er med ei kort stund før dei går til sine klassar. I klassane blir det eige program for elevane.

## **Viktig informasjon om valfag og språkfag / fordjupingsfag / arbeidslivsfag:**

Me på Lye tilbyr i år valfaga fysisk aktivitet og helse, design og redesign, medier og kommunikasjon, friluftsliv og trafikk. Trafikk er kun for elevar på 10. trinn. På lenka [Søk i læreplan \(udir.no\)](#) finn de ei oversikt over dei ulike valfag. Det er veldig viktig at de går inn og les innhaldet i dei ulike valfaga, og kva elevane kan forventa å læra.

Det er og viktig at de tek tre ulike val i samband med valfaga. Me vil så langt det lar seg gjera sørja for at alle elevane får 1. valet sitt, men det kan vera at nokon opplever at dei får 2. eller 3. valet. Me må ha minimum 10 elevar som vel faget for at me kan starta det opp. Hugs å bruka god tid til å tenkja over valet du ønskjer å ta. Du kan berre velgja ein gong!

På Lye ungdomsskule tilbyr me tysk som anna språkfag i tillegg til engelsk fordjuping og arbeidslivsfag. Om de ønskjer å lesa meir om faga kan de gå inn på lenkjene nedanfor. Merk dykk at det blir avhalde lokalt gitt eksamen (munnleg eksamen) i alle dei tre faga tysk, engelsk fordjuping og arbeidslivsfag.

## **Språkfag / fordjupingsfag / arbeidslivsfag:**

Fordjupning i engelsk: [Kjerneelementer - Læreplan i fordypning i engelsk \(ENG03-02\) | udir.no](#)

Arbeidslivsfag : [Kjerneelementer - Læreplan for arbeidslivsfag på ungdomstrinnet \(ARB01-03\) | udir.no](#)

Anna framandspråk (Tysk): [Kjerneelementer - Læreplan i fremmedspråk \(FSP01-02\) | udir.no](#)

**Me ser fram til å møta både dykk og ungdommen dykkar utover våren!  
Om du har spørsmål tek du kontakt.**

Mvh

Ingeborg Sagen Milner – rektor - 51778370

Grete Reppe Håland – avdelingsleder/inkluderingspedagog - 51778370